

¡BOMBA!

El ICE lleva 13 muertos
nada más de mexicanos;
¿Sienten sudor en las manos
al verlos en aeropuertos?



K'uintsil

Jueves 26 de marzo de 2026

CAMPECHE · YUCATÁN · QUINTANA ROO · AÑO 11 · NÚMERO 2691 · www.lajornadamaya.mx

Ts'aak poochil: ti' lajump'éel pedidos ku beeta'ale', jump'éele' ti'al u k'áata'al taakos

Tu noj lu'umil México, takoe' noj chíikulal ti' ba'ax suuk u juunta'al tumen kaaj, ts'o'oke' ku nu'uktal ti'al u k'áata'al xan ti' díijital nu'ukulo'ob. Ichil daatos jóok'sa'ab tumen DiDi Foode', tu ja'abil 2025e', ti' lajump'éel pedidos ku beeta'al te'el pláataformao', jump'éele' ti'al u k'áata'al taakos. Le je'elo' jump'éel saasil chíikulal e'esik maas ya'ab wiinik ku k'áatik taakos ti'al ma' u yantal u bin u jaant tak tu kúuchil. Uláak' ba'ax a'alabe', tu ja'abil 2025e' k'áata'ab óoli' 13 miyoonesil u pedidosil taakos ichil tuláakal u lu'umil México. Ti' le beyka'ajo', k'áata'ab de páastori', báarbakoa, dorados, bistek yéetel k'áatbil

bak'. DiDi Food tu ya'alaje', ichil le kaajo'ob tu'ux maas ya'ab k'áata'abe' ti' yanchaj Ciudad de México, Guadalajara, Monterrey, Mexicali, Puebla, Tijuana, Tuxtla Gutiérrez, Morelia, Cuernavaca yéetel Toluca. Beyxan, chíika'an ba'ax ooras maas ya'ab u k'áata'al. Ti'al domingose', u ya'abile' ku k'áata'al ichil láas 9 yéetel las 10 áak'ab. Beey túuno', u k'iinil 17 ti' agosto leti'e' k'iin maas jach ya'abchaj u k'áata'al taakos ichil tuláakal u ja'abil 2025. Maas jach chíikpaj ya'abchaj u k'áata'al taakos tu ichil la 1 tak las 3 u taal u saastal, tumen ka'anchaj 20% keetel yéetel le ja'ab máaniko', úuchik

u yantal maanal 170 mil oordenes te'el súutuk je'elo'. Beey úuchik ti' noj kaajo'ob je'el bix Ciudad de México, Monterrey, Mexicali, Guadalajara, Tijuana, Ciudad Juárez, Ensenada, Puebla, Los Cabos yéetel Tuxtla Gutiérrez, ti' túun ku chíikpajal k'éex bix u ma'anal taakos ti'al jaantbil. Taakoe' ma' chéen ti'al jaantbil wa ti'al ceenartbil, ti'al xak u luk'sik u poochil máak kéen ts'o'okok jump'éel k'iimbesej wa tu jo'olaj ts'o'okok u yoorail meyaj.

Julio Gutiérrez / P 17
Oochel Rodrigo Díaz